

Federalno ministarstvo energije, rudarstva i industrije u Olovu, nakon uviđaja na rudokopu "Očekalj", održalo je sredinom prošle sedmice usmenu raspravu koja, preduzeću "Geomet" Olovo zakonski predstavlja posljednji korak na pribavljanju dozvole za eksploataciju mineralne rude olova-ceruzita.

Obilasku rudokopa i usmenoj raspravi prisustvovali su predstavnici pomenutog ministarstva, općine Olovo, Ministarstva privrede ZDK i MZ Dugandžići i Kruševo.

Svi pomenuti učesnici, nakon prezentacije svih koraka i dokumenata pribavljenih u procesu dobijanja dozvole dali su pozitivno mišljenje u vezi izdavanja ovog ključnog dokumenta.

U izjavi za Radio Olovo generalni direktor preduzeća "Geomet" Ismar Šabović kazao je kako je od 2012 godine do danas u ovaj projekat uloženo oko 5 miliona KM i da izdavanje dozvole za eksploataciju predstavlja jedan od ključnih koraka za konačan početak proizvodnog ciklusa.

Preduzeće, odnosno njegovi investitori imaju u planu u bliskoj budućnosti uložiti još blizu 10 miliona KM i umjesto dosadašnjih nešto više od 30 uposliti još oko 200 radnika.

Predstavnici nadležnog Federalnog ministarstva kazali su da će nakon pozitivnih mišljenja datih u okviru usmene javne rasprave pristupiti izradi i izdavanju dozvole za eksploataciju.

izvor: indikator.ba